

Vg
6978



Or. 217. 14.

Vg
6978

Eigentliche Beschreibung.

Welcher gestalt D. Nico-

laus Krell/Churfürstlicher Cankler zu Dresden/
vnd D. Christophorus Sunderman Prediger
zu Leipzig / vnd D. Urbanus Pierius Prediger
vnd Superintendens zu Wittenberg / nach
Hertzog Christiani Churfürsten/etc.
absterben gefenglich eingezogen
worden.

Alles in einem künstlichen Kupfferstück für
Augen gebildet/vnd mit Ziffern erklärt.



Im Jahr M.D.XCII.

073

110

[Faint, illegible text, likely bleed-through from the reverse side of the page]



[Faint, illegible text at the bottom of the page, possibly bleed-through]

M
G
 bog
 bal

I

In se
 restir
 nach
 wab
 auch
 fen o
 ande
 rey in
 Mar
 lens/
 Sac
 schlo
 tikel
 an ta
 seher
 er wi
 tags



Welcher gestalt D. Nicolaus Krell/
Churfürstlicher Sechsischer Cantzler vor Her.
zog Christiani Churfürsten zu Sachsen Begrebnuß/ vnd
bald nach im auch etliche Prediger zu Dresden vnd Wit-
tenberg in verwahrung genommen.



Sambstag den 23. Tag Weinmo-
nats vmb den Mittag/ als D. Ni-
colaus Krell Churf. Sechsischer
Cantzler auß der Cantzley nach
Haus gangen / wurden ihm et-
liche Trabanten vom Hoff nach
geschickt / mit befehl / das sie ihn
in seiner Behausung biss auff fernern bescheid an-
restiren vnd verwahren sollen / welchem sie auch
nachkommen / vnd gedachten Cantzler in ihre ver-
wahrung vnd Hut genommen haben / also das er
auch das geringste in seinem Hause nicht angreiffen
oder vereuffern dörfften. Dann auch gleich
andere Personen gefolget / die alle seine Schreyber-
ey inventiret / verschlossen vnd versigelt haben.
Man hat im schuld geben / das er nicht allein wil-
lens / vnd schon im werck gewesen / die Religion in
Sachsen zu endern / vnd auff den Calvinischen
schlag zu richten / sondern auch mit andern Practi-
cken vmbgangen / sein solte / welches zu seiner zeit
an tag kommen werden. Jederman hat sich ver-
sehen / vnd er selbst wuste auch nichts anderst / dan
er würde in der Churf. Begengnuß des andern
tags / das Chur Secret vortragen / wie ihm dann
A 2 auch

auch seines Ampts halben gebüret/wann sich die
Regierung nicht eines andern besorgen müssen.

Vnlangst hernacher hat man den vorgemelt-
ten D. Crellen auff eine Kutsche wol verwaret/
von Drefen mit einer anzahl Volcks beleetet/nach
dem Schloß vnd gefangnuß Dohenstein ges-
andt welche/D. Crell vor der zeit selber D. Mar-
tino Miro hatte zurichten lassen/ geführet/Wie in
der Figuren neben seiner wahren Contrafetzung/
Nam. 1. 2. 3. 4. vnd 5. zu ersehen ist.

Bald auff des Churfürsten Begrebnuß
wurden auch etliche Theologen hin vnd wider in
dem Churfürstenthumb Sachsen gefenglich an-
gegriffen / vnter welchen D. Urbanus Pietrus zu
Wittenberg einer gewesen. Dann als etliche
Doffrhete daselbst ankomen/haben sie ihn in bey-
seyn etlicher Rathsverwanden zu Wittenberg vor
sich erfordert / iren habenden befehl auffgelegt
vnd vorgelesen/ vnd im darauff den endlichen sen-
tentz vnd beschluß angezeiget / das er durch den
Burgermeister auff das Schloß in Gefengnuß
solle geführet vnd gelegt werden. Vnd wie wol er
viel disputirens darwider getrieben/ so ist es doch
endlich bey dem ergangnen bescheid blieben/ vnd
er also nach empfangenē befehl durch den Bürg-
meister / vmb weanigers zulauffs willen/hinder der
Stattmauren hernach dem Schloß geführet vnd
ins Gefengnis geliefert wordē. wie N. 6. 7. zu sehn

Als D. Christophorus Gunderman zu Leip-
zig solches erfahren / gedacht er sich aus dem
Staub zu machen / setzet sich sampt etlichen setz-
nen Dienern auff eine Kutsch/ kam den 1. tag wine

fermonats gegen Abendt gen Naumburg/begette
zu dem Calvinischen Prediger daselbst im Thum
Dieweil aber die Thor schon verschlossen/ musste
er in der Vorstatt vor dem Saltzthor im Gasthoff
einkehren vnd vber Nacht bleiben. Da er dann zu
letzt erkant / vnd von den Besten dermassen mit
worden empfangen worden / das er vor vnmut
weder essen noch trincken mögen / vnd sich mor
gens in alles frue wider auff den Weg nach Cala
seiner Deymat begeben. So bald es aber tag
worden/sind 2. Botten von Leiptzig kommen/die
ernstlich nach im gefraget/ vnd da sie in nicht an
troffen/ sich getheilet/vnd einer nach Eckersberg
gangen / der ander aber ist auff Jena zugereyset/
welcher in auch daselbst angetroffen/ vnd mit gu
ten worden beredet/ das er wider umbgekehret/
vnd zu ruck nach Leiptzig sich begeben. Sonst
hatten die Botten heimlich Stöckbrieff bey inen/
vnd allen Befelch/ wenn er nicht guwillig umb
kehren wölte / in nider zuwerffen/vnd gefenglich
einzuziehen wo sie in antreffen wurden. Dann
nach dem es zu Leiptzig ruckbar worden / das
D. Gunderman flüchtig worden/haben die Land
stende vnd Ritterschafft an Burgermeister vnd
Rath daselbst geschriben/ hetten sie Gunderman
wegkomen lassen/solten sie auch sehen/ das sie in
wider zu der Wand brechten / Derohalben dann
der Rath dem Gunderman Botten nachgeschick
et/vnd in mündlich vnd schriftlich vermanet/ sich
wider zu Leiptzig einzustellen / damit er sich nicht
selbst sachfellig machte/sein Weib/das schon vom
sinnen komen/vn seine Kinder im elendt sitzen lasse.


Also hat er sich auff geschene erinnerung
wider hinder sich gen Leiptzig führen lassen / vnd
seines Dienst/als vor/ausgewartet/biss auff den
15. tag Wintermonats/da man morgens zwischen
7. vnd 8. Vhren alle Thor verschlossen/vnd Chris-
stoff von Deseler Statthaltern / Nam 8. vnd einer
von der Ritterschafft. Num. 9. zu allen Thoren ge-
schicket / die Schlüssel abfordern lassen / vnd die
Thor biss vmb 12. Vhr zugehalten. Mittler weil
haben sich gemeldter von Deseler sampt dem
Hauptman/ Num. 10. Vnd zwölff Trabanten/
Num. 11 vnd 12. Auch Burgermeister Backofen/
Nu. 13. sampt andern Rathsherrn auff dem Raths-
haus versamlet/sind endlich zwischen 9. vnd 10.
Vhren in Gundermans Haus gangen/ seine Li-
berey verschlossen vnd versigelt/ vnd ein Wacht in
das Haus gelegt/ vnd hinderlassen. D. Gunder-
man aber auß dem Haus nach dem Schloß ge-
fenglich geführet/ Nu. 14. vnd in dem Hauptman
zu verwahren vberlieffert. Als Gunderman in ei-
nem alten Schlappeltz vnd alten Schlappen auß
dem Haus gangen / hat im ein kleiner Bub ein
nen andern Beltz biss in die Gefengnuß nachge-
tragen. Der gemeine Pöfel aber hat sich hauffen-
weiss versamlet / sich vnterwegen sehr vngestüm
erzeiget/ vnd geschrien/ Man solte D. Warden
vnd den Duffschmide (war ein Diaconus zu
Leiptzig/darumb also genant/ die weil er auff ein
zelt von einem Krancken/bem er das D. Nachmal
gereicht/ gesagt solte haben : Er hette ihm ein
DuffEisen auffgeschlag/ damit er fortkommen
könnte

könte) auch mit nehmen vnd hinführen. Also
ward vielgedachter Gunderman aus seinem haus
neben dem Thomaser Thurn hin/Nu. 17. durch
die Burgkrass in das Fürstliche Schloss zu
Leiptzig/Nu. 18. geführet vnd dem Schlosser
hauptmann bis auff weitem bescheid zu verwan-
ten vberantwortet / vnd befohlen/im an essen vnd
trincken keinen mangel zu lassen. Was
nun endtlich daraus werden
mag/gibt die zeit.



Faint, illegible text, likely bleed-through from the reverse side of the page.







Abcontrofyrung Welcher gestalt D. Güntermann Zu Leypzig, D. Pierius Zu Wittenberg vnd D. Crell. Zu Dresden Ins gefencknis Seint gefüret worden.




19 6978 67



ULB Halle 3
001 587 293





1509786



ULB Halle 3
001 587 293







Ok. 217. 14.

Vg
6978

Eigentliche Beschreibung.

Welcher gestalt D. Nicolo-
laus Krell/Churfürstlicher Cankler zu Dresden/
vnd D. Christophorus Sunderman Prediger
zu Leipzig / vnd D. Urbanus Pierius Prediger
vnd Superintendens zu Wittenberg / nach
Hertzog Christiani Churfürsten/etc.
absterben gefenglich eingezogen
worden.

Alles in einem künstlichen Kupfferstück für
Augen gebildet/vnd mit Ziffern erklärt.



Im jahr M.D.XCII.

